

Президентимиз Ислом цивилизацияси маркази қурилишига тамал тоши қўйди



Давлатимиз раҳбари Шавкат Мирзиёев 15 июнь куни Тошкент шаҳридаги Ўзбекистон ислом цивилизацияси маркази қурилиш майдонига ташриф буюриб, иншоот пойдеворига рамзий тамал тоши қўйди.

Мазкур тадбир юртимизда муборак Рамазон ҳайити нишонланаётган улуг кунларда ўтказилганида чукур рамзий маъно бор. Президентимиз Шавкат Мирзиёев сўнгти бир яrim йил ичида халқимизнинг миллий-диний қадриятларини тиклаш, маърифий исломни ривожлантириш, буюк аждодларимизнинг динимиз соғлигини таъминлашга қўшган улкан ҳиссасини кенг ўрганиш ва тарғиб этиш юзасидан кўплаб ташабbuslarни бошлаб берди.

Давлатимиз раҳбари БМТ минбаридан туриб исломнинг дунё миқёсидаги ўрнига, аждодларимизнинг динимиз ривожига қўшган ҳиссасига юксак баҳо берди ҳамда "Маърифат ва диний бағрикенглик" деб номланган маҳсус резолюцияни қабул қилиш таклифини илгари сурди. Самарқандда Имом Бухорий номидаги халқаро илмий-тадқиқот маркази, Тошкентда Ислом цивилизацияси маркази ташкил этилди, дин масаласидаги жаҳолатга барҳам беришни кўзда тутувчи "Жаҳолатга қарши – маърифат" шиори жорий қилингани Ўзбекистоннинг диний бағрикенглик соҳасидаги ташабbuslarining яққол ифодаси сифатида дунё ҳамжамиятида катта қизиқиш уйғотди.

Бундан бир йил муқаддам – 2017 йил 15 июнда мамлакатимиз ҳаётида илк бор имомхатиблар билан ўтказилган учрашувда Шавкат Мирзиёев муқаддас динимиз поклигини асрар масаласи жамиятда соғлом муҳитни мустаҳкамлаш, ёшлар тарбияси, тинч-осуда ҳаётимизни таъминлашнинг муҳим шарти эканини таъкидлаб, бу борада муҳим вазифаларни белгилаб берган эди.

Ўтган даврда мазкур йўналишда изчил ишлар амалга оширилмоқда. Юртимизда маънавий муҳитни асрар, дин йўлида адашган фуқароларни соғлом ҳаётга қайтариш бўйича кенг миқёсли ишлар бажарилди. Ўзбекистон Ислом академияси, Мир Араб олий мадрасаси ва бошқа исломий таълим муассасалари ташкил этилди.

Бугунги кунда Ислом цивилизацияси маркази дунёдаги 20 дан ортиқ худди шундай марказлар билан алоқалар ўрнатди. Жумладан, Оксфорд ислом тадқиқотлари маркази, Туркиядаги қатор илмий-текшириш институтлари, Истанбулдаги Тўпқопи музейи, Франция ислом маркази, Париждаги Лувр музейи, Санкт-Петербургдаги Эрмитаж давлат музейи ва бошқа қатор етакчи марказлар билан ҳамкорлик ўрнатилиб, бу борада 7 та меморандум имзоланди. Марказ кутубхонаси шакллантирилмоқда. Бугунга қадар унга 400 дан ортиқ

ноёб қўлёзмалар харид қилинди, юртдошларимиз ўзларидаги қадимий қўлёзмаларни топширмоқда. Бу халқимизнинг имон-эътиқод, маънавият ва маърифатга интилишидан, эзгу ва савобли ишларга бош қўшаётганидан далолатдир.

Куни кеча ШХТнинг Циндао саммитида қабул қилинган ШХТ давлат раҳбарларининг Ёшларга қўшма мурожаати ҳам Ўзбекистон ташаббусидир.

Давлатимиз раҳбари тадбирга йигилган диний уламолар ва барча юртдошларимизни Рамазон ҳайити билан табриклаб, шундай улуғ айём кунларида марказ қурилишининг бошланаётгани замирида эзгу ният, чуқур маъно-мазмун мужассам эканини таъкидлади.

Бу марказни қуришдан мақсад ислом маърифатини, буюк аждодларимизнинг бой меросини авваламбор халқимизга, дунё ҳамжамиятига етказишdir. Бунинг учун буюк боболаримиз меросига ўзимиз муносиб бўлишимиз, жаҳолатга қарши маърифат билан курашишимиз зарур. Бошлаган ҳамма саъй-харакатларимиз ёшлар таълим-тарбиясига, халқимиз тинчлик-осойишталигига, ёруғ келажагига замин яратади, деди Президентимиз.

Ушбу марказ концепциясида улуғ алломаларимизнинг меросини халқимиз, айниқса, ёшларга етказиш гояси чуқур ифода топган. Уч қаватли бино лойиҳасидан кутубхона, қоғоз ва ёзув тарихи, аждодларимизнинг ислом дини, илм-фан ривожига қўшган ҳиссаси, санъат, таълим, шаҳарсозлик ва меъморлик, анъана ва урф-одатлар, Усмон Куръони каби заллар ўрин олган.

Бу ерга қелувчиilar дастлаб аждодларимизнинг хаттотлик, меъморлик, санъат ва маданият соҳаларида эришган ютуқлари, анъана ва урф-одатлари ҳақида ҳикоя қилувчи китоблар ва нодир ашёлар билан танишади, аждодларимизнинг соф ислом маърифатидан баҳраманд бўлади. Бино тархи шундай чизилганки, битта зални кўрмасдан туриб бошқасига ўтиб кетолмайсиз – узвийлик таъминланади. Энг охирида, иккинчи қаватдаги Усмон Куръони турган залга кирилганда таассуротлар ортиб, нурга, маърифатга айланади.

Президентимиз ўтган йили 1 сентябрь куни Ҳазрати Имом мажмуасига ташриф асносида Ислом цивилизацияси марказини мазкур қадимий мажмуя ёнида барпо этиш юзасидан топшириқлар берган эди. Шунга биноан бу ердан ўн гектарга яқин жой ажратилди. Энг замонавий меъморлик тажрибалари асосида пухта лойиҳа ишлаб чиқилди.

Лойиҳага кўра марказ биноси пештоқи Самарқанддаги Улуғбек мадрасасига монанд қилиб қурилади, юқори қисми гумбаз бўлади. Усмон Куръони турган асосий залнинг ўлчами 46x46 метр квадратни, гумбаздан то Қуръон турган жойгача бўлган оралиқ 54 метрни ташкил этади. Бино, шунингдек, ахборот-ресурс маркази, илмий кафедралар, конференция зали, хизмат хоналари ва бошқа обьектларни ўз ичига олади.

Президентимиз Ўзбекистон мусулмонлари идораси раҳбарлари, дин арбоблари, маҳалла

фаоллари, меъморлар билан сухбатда мазкур иморатни буюк аждодларимиз даҳоси ва закоси, халқимиз маънавий салоҳиятига мос маҳобатли қилиб барпо этиш, уни ёшлар учун улкан тарбия мактаби, чет эллик сайёҳлар учун муқаддас қадамжога айлантириш, маҳаллий ва хорижий тадқиқотчиларга зарур шароитлар яратиш кераклигини таъкидлади.

Жамиятимизда соғлом маънавий муҳитни мустаҳкамлаш, турли бидъатларнинг олдини олиш, адашганларни авф этиш, имом-хатиблар малакасини ошириш, ёшлар тарбиясига эътиборни кучайтириш юзасидан тавсиялар берилди.

[ЎзА](#)